



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus

Complectens Aprilem, Majum, Junium

Nepveu, François

Monachii, 1709

Dies 19. De humilitate.

[urn:nbn:de:hbz:466:1-60514](https://nbn-resolving.org/urn:nbn:de:hbz:466:1-60514)

Iulius.

uum erga ipsum, gratiamque beneficiorum memoriam comprobendam? Eheu! quoties illis usus es ad ipsum offendendum?

Tu in vita ignava tutum te iudicas, ratus satis tibi esse praecepta Dei servare: audésne tibi polliceri, te praeceptum primum servare?

Plenitudo legis est dilectio. *Rom. 13. 10.*

Ille te minùs amat, qui tecum aliquid amat, quod propter te non amat. *August.*

DIES XIX. De Humilitate.

I.

Inveniuntur homines patientes, charitatis studiosi, liberales, casti, sibi austeri, mansueti: at homines verè humiles ubinam terrarum inveniuntur? interea aliae virtutes sine humilitate honestos homines, bonos, ethnicos, sed verè Christianos reddere non possunt. Sine humilitate nec Christianismus, nec sine Christianismo subsistit humilitas. Non est, nisi verè Christianus, qui humilis esse possit. Sed nec invenitur nisi homo sincerè humilis, qui verè Christianus esse queat. Philosophi antiqui, qui tam praeclara de aljis virtutibus

tu-

tutibus dixere, ne nomen quidem humili- Iunius.
tatis novere. Ideo Christus Dominus af-
firmavit, præter se neminem esse, qui doce- Matt. 11. 2.
re humilitatem queat: *Discite à me, quia hu-*
milis sum corde.

II. Sine humilitate salutem æternam
consequi æquè parùm possumus, quàm
sine Baptismo: nec unum minùs altero ne-
cessarium est. Cur Baptismum necessa-
rium esse credis? ideo nempe, quia Chri-
stus tibi dixit: *Nisi quis renatus fuerit ex a-* Io. 3.
qua, & spiritu sancto, non intrabit in Re-
gnum Cælorum. Verùm an non is ipse omni
asseveratione discipulis affirmavit: *Nisi* Matth. 18.
efficiamini (humiles) sicut parvuli, non in- v. 2.
trabitis in Regnum Cælorum. Cur igitur
unum, non item alterum credis? vel certè
cur ita vivis, ac si id non crederes? imò, ac
si contrarium tibi persuasum esset? an non
utrumque verbo Dei, qui falli non potest,
nititur? fides nos docet, salutem non ob-
tineri, nisi vitam nostram ad Christi vitam
conformemus: jam verò Evangelium, &
ratio nos convincunt, nos vitam nostram
ad vitam Christi conformare sine humili-
tate non posse. An non igitur fides, & ratio
ad condemnandam superbiam nostram
conspirant, eamque nobis veluti repro-
bationis signum ob oculos ponunt?

R

III, Hu-

Junius.

III. Humilitatis virtus cuiusvis hominum statui, & conditioni, convenit. Principes non minùs, quàm infima sæx populi, ad eam obligantur. Praxis quidem istius difficilior ipsis accidit, neque tamen minùs eam exercere obstricti sunt. Vilioris conditionis homines non rarò deprimuntur, quin tamen sint humiles. Magnates esse vellent humiles, sine tamen sui demissione. Et nihilominus deprimere se debent sub omnipotenti Dei manu; agnoscere debent, se penitus ab ipso pendere, velut ab eo, à quo proficiscitur omnis eorum potentia, quâ ipsis uti non licet, nisi ad tuendam divinam. Persuadere sibi debent, se præter id, ad quod obligantur, nihil posse; se cum Deo comparatos infinites viliiores esse, quàm sint eorum subditi, si cum ipsis comparentur; Deum communem utrorumque esse Dominum, se tantummodò ipsius primarios esse subditos, & eò magis demissè gerere se debere; cum non aliud Evangelium, nec alia lex, nec aliæ veritates ipsis, quàm subditis eorum præscribantur. Deprimere se debent cogitatione, memores, nihil sibi profuturum, quòd magni sint, nisi coram Deo sint magni, id est, parvuli in oculis suis, & sincere humiles; minimos suorum subditorum olim maiores fore, quàm ipsi sint; nisi ipsi sint

sint humiliores. Demittere se debent, dum *junius.*
 considerant, suum statum opponi vitæ, &
 statui Dei pauperis, & humilis, suamque
 elevationem, quod consequens est, ma-
 gnâ sibi præbere sui demittendi ansam;
 cum illa non modico ipsis sit obstaculo,
 quò minùs Christo similes fiant, salutem-
 que suam in tuto collocent.

*Pete à Christo Domino, ut te admirabilem
 hanc doctrinam doceat, cum is solus ejusdem sit
 magister.*

Nisi conversi fueritis, & efficiamini, si-
 cut parvuli, non intrabitis in Regnum Cæ-
 lorum. *Matth. 18. 3.*

Quantumcunque te dejeceris, humilior
 Christo non eris. *Hieron. Epist. 6.*

DIES XX.

De Mortificationis Necessi-
tate.

I.

Salutem æternam consequi non possu-
 mus, si Christiani non sumus, nec esse
 Christiani possumus, si sacro fonte non su-
 mus abluti, eo verò ablui non possumus,
 quin ad sensus, cunctosque animi motus,
 atque inordinatas inclinationes nostras
 R 2 com-

*Quicunque
 baptizati
 sumus, in
 morte ipsius
 baptizati
 sumus: con-
 sepulti en-
 sumus cum*